



UNIVERSITÄTS-
BIBLIOTHEK
PADERBORN

Universitätsbibliothek Paderborn

Prophetia Apocalyptic S. Joannis Apostoli

Kircher, Heinrich

Coloniæ Agrippinæ, 1676

§. II. De relatione ejus ad Draconem: quia loquetur sciut Draco.

urn:nbn:de:hbz:466:1-39100

v.19. &c seqq. ac Jer. 50. v.39. qui ait, non inhabitabitur ultra in sepius eternum nec extruetur: & illud ipsum narrat S. Hieronymus. At contiguo in loco a liam constat aedificatam esse Babylonem prope veteris urbis ruinas, quarum & murorum Semiramidis & ahortorum pensilium videre est monumenta, prout legere est apud Ortelium & alios Geographos, qui eam, quae nunc Babylon aut Bagadat dicitur, prope ruinas antiquae Babylonis exhibent. Ferè sicut aevi Christiano diruta illi Hierosolymæ, ut non relictus sit lapis super lapidem Luc. 19. v.44. succedit alia Hierosolyma hodierna, non eo nunc prorsus in loco ut observat S. Greg. hom. 39. in Evang. Illa autem ho-

die Babylon habetur; testimonio eorum qui sunt illuc peregrinati, esse amplissima earum, quæ in tota sunt Asia, & subdita Mahometanis. Quam adhuc urbem, id quod ad Apocalypsin attinet, perfluit Euphrates, & jungit pons lapideus super eum impoitus: qui fluvius à Tigri confluente sic augetur, ut navigia majora perferat ad Oceanum Persicum.

Estque præterea fluminis Euphratis illa expressa mentio in Apocalypsi idcirco, ut admoneamus agi de Babylone Chaldaicâ: non item de alia Ægyptia urbe, etiam ampliâ, sitâ ad Nilum flumen, quam Arabes Babylonem nuncuparunt, vulgo Cairum quæ hoc non pertinet.

Ratio.
ad di-
stinctio-
nē aliū
urbis co-
gnomi-
nis.

§. II.

*De relatione ejus ad Draconem: quia loquetur
sicut Draco.*

Anti- christi genitura. 1. Præterquam quod Antichristus ex semine dignatur hominis, ut pote verus homo, ut dicitur 2. Thess. 2. v.3. homo peccati: Draco tamen qui est Princeps omnium Diabolorum huic fœtui progenerando formandoque suam omnem impendet artem. Exstimatorum cum magnis Doctoribus fore præter patrem hominem spuriissimum, aut simul & cum illo, incubum matri Archidæmonem (neque enim de incubis negari posse sentit Augustinus lib. 15. de civ. cap. 13.) Is ut simius sit generationis Christi, superadveniet

illi scotto: & quia homo genitor erit occultus, sparget, id quod prædictum de illo refertur Sancta Hildegardis Prophetissa, natum matre virgine. Certè Rabanus Episcopus pietate doctrinâque celeber in opusculo de Antichristo: *Diabolus*, inquit, *in matrem Antichristi descendet, & totam eam replebit, ut quod natum fuerit, totum sit iniquum & perditum;* unde dicitur homo peccati & filius perditionis.

2. Et verò ille quodammodo plastes, Draco, efformabit hunc partum ab utero, tantâ ei proclivitate insitâ corpo-

PROPHETIÆ APOCALYPTICÆ

corporis & dispositione ad omnia vita quanta nemini fuit mortalium : & porrò à primo usu rationis suo se libero arbitrio dedicantem Diabolo instituet hic Magister imposturā omni magicā : & aliis præterea scientiis; etiam sacram Scripturarum ; præcocitate ingenii, memorię felicitate, facundia, peritiae fallendi. Erit sapientiā, inquit S. Anselmus in Elucidario, & eloquentiā incredibili, & omnes artes & Scripturam naturaliter sciet. His & humanis cæteris dotibus ab eodem diabolo, supra penè captum hominis, instructus dirigit sese consiliis ejusdem : cui se devovit, & illi se Diabolus vicissim. Ita de illo monstro senserunt SS. Patres : quorum S. Irenaeus lib. 5. adv. hær. cap. 29. in Bestia, inquit, veniente recapitulatio (frequens est hæc Irenæo vox, id est coacervatio) fit universa iniquitas & omnis dol. & cap. 25. omnem suscipiens Diaboli virtutem. S. Hieron. in Dan. 7. in quo totus Satanus habitaturus sit corporaliter. S. Damascenus lib. 4. de fid. c. 27. cùm dixisset : Non ipse igitur Diabolus fit homo. absit enim : sed nascetur homo ex fornicatione: adjungit: & suscipiet omnem operationem Satanae: nam præsciens Deus irrationalitatem futuram ejus voluntatis, permettit ut illum inhabitet Diabolus. Oecumenius in ep. 1. Jo. homo erit qui Satanam circumferet. Meritò illum S. Hieronymus ep. 151. ad Algasiam quæst. 11. interpretatur ex Apostolo non operatorem, sed ipsam operationem id est fontem erroris. S. Chrysostomus hom. 3. in 2. Thess. 2. ipsam Desectionem seu verbo Apostolico ἀποστασιαν. Oracula

Sibyllina, lib. 2. ipsum Beliar, id est Belial. S. Paulus cum articulo emphatico; ille, inquit, homo peccati, ille filius perditionis, ille qui adversatur : ὁ δοθρωπός τῆς ἀμαρτίας; ὁ ὑὸς τῆς ἀπωλείας; ὁ ἀτιχέως; ille iniquus, ὁ ἀνομος, cuius est adventus secundum operationem Satanae; κατ' ἐργασίαν τῆς Σατανᾶ.

3. Atque hæc spectant ad expositionem ejus quod de Bestia posteriore dicit Apocalypsis : LOQUEBATUR SICUT DRACO. Non eo in sensu in quem prolapsus fuit S. Hippolytus martyr : fore ipsum Diabolum; qui

prodibit, inquit, sub formâ hominis. Ubi obiter ipse Hippolytus vindicandus est ab alio graviore errore, qui ei tribuitur,

fore Diabolum incarnatum; hoc enim disertè negat, dum sic scribit : sed Diabolus licet carnem assumat, hac opinione

tantum (id est, opinatione hominum politus. quibus illudet.) qui enim carnem ferret

quam ipse non condidit sed oppugnat quod? hanc opinor, dilecti, carnis sua substantiam assumit organi vice. Quæ opinio ejus refutatur à cæteris Patribus.

Cautius S. Ephrem ser. de Antichristo vocat illum non inimicum ipsum Diabolum, sed perfectè illius Organum;

quod græcè significat instrumentum. Et illi coævus S. Cyrillus Hieros. catech. 15. Satanus illo ipso utetur Organum, suā personā per illum operans. Planissime S. Augustinus lib. 20. de Civ. cap.

19. Tunc enim solvetur Satanus, & PER illum ANTICHRISTUM in omni sua virtute (verba sunt Pauli 2. Thess. 2. v. 9.) mirabiluer quidem sed mendaciter operabatur. Divinè Apocalypsis :

Non tam
men
Draco
incarna-
tur.

Quod
neq; sen-
fit S. Hip-

non Draco ipsa Bestia; sed loquebatur
SICUT *Draco*: utique qui totam e-
jus mentem & linguam obsidebit ac
reget, & persuasio ac doctrina tota erit
Draconis.

Ex quibus etiam modo dictis mi-
nus mitum efficitur, simul & aperitur
sensus in quo dicitur capite 9. Apoc. v.
14. alligatos fuisse quatuor Archidæ-
mones in flumine Euphrate; & cap. 12.
v. 14. in idem flumen Euphraten ef-
fundi postlimnio phialam iræ sextam
& accelerari viam persecutioni: juxta
illud Scripturæ; ab Aquilone pandetur

Malum
ab Aqui-
lone.

malum super omnes habitatores terre,
Jer. 1. v. 14. quidni hoc gravissimum
malorum universalium habitatoribus
terræ? quoniam, ut diximus §. præce-
dente, ad eos maximè limites Euphra-
tis, quos constat regioni Judææ esse
Aquilares, adstricta est qualiscunq;
potissima libertas & velut resp. Ju-
dæorum interim: donec temporibus
Antichristi solvantur illi dæmones,
præsides infidelissimæ sectæ Judæo-
rum, & per 4. terræ partes prævaleat
diabolicus pseudo-Judaismus & cœra
per illum extingendi Christianismi.

§. III.

De duobus Cornibus, quibus similis erit Agno.

I. *N* Cornibus vires ejus eminebunt
Iejusmodi, quibus simulet Agnum;
id quod aptè exprimit vox, SIMILIA;
& quæ græcè dicitur, θυοια. Primum
Cornu erit simulatio Sanctitatis: Erit
enim simulatissimis moribus, præser-
tim à prima ætate, atque initio sui am-
bitus; de quorum annorum numero
nihil constat; usque ad plenam obten-
tam possessionem nominis Messiae ac
Monarchiam orbis, quam tenebit 3½.
annis persecutionis. De hac ejus simu-
latione morum tradunt SS. Patres: ac
fundant tūm in illo Geneseos 49. v. 17.
ubi comparatur colubro & cerusti in via,
equitem aggredienti retrò: tūm in Da-
niele, variis in locis; nam & cap. 7. v.
8. & 20. Cornu habebat oculos, id est
prudentiam & astutiam: & cap. 8. v.
23. dicitur Rex impudens facie & intel-

Similitu-
do san-
ctitatis.

Pars II.

ligens propositiones, id est, audaciâ præ-
ditus & acie ingenii. & v. 25. dirigetur
dolus in manu ejus. & cap. 11. v. 21. obti-
nebit Regnum in fraudulentia. De pri-
mis quidem ejus annis ætatis S. Cyril-
lus Hieros. catech. 15. temperantiam &
humanitatem simulabit. S. Damasc.
lib. 4. defid. orthod. cap. 27. nascetur
igitur ex fornicatione, ceu diximus: &
educabitur occulè: & repente insurget
& elevabit se & regnabit. Et in exordiis
Regni sui seu potius Tyrannidis simulabis
bonitatem. Quamobrem S. Greg. lib.
31. mor. cap. 17. eum cognominat Hy-
pocritarum omnium Caput.

Alterum Cornu è duobus similibus
Agni: erit imitatio altera, miraculo-
rum: de quibus 2. Thess. 2. v. 9. in
OMNI virtute & signis & prodigiis men-
dicibus: iisque propemodum conti-

Similitu-
do mira-
culorū.

E

nus,

